



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Manvale Parochorvm, Sive Institvtones & Praxes Tum
Vitæ, tum Officii Pastoralis**

Musart, Charles

Monachii, 1654

VII. Impotentia. Ætas. Raptus. Error. Conditio. Crimen. Cognatio legalis.
Ordo. Votum.

urn:nbn:de:hbz:466:1-41616

268 *Institutionum Pastorlaium*
sola fama mortis; nisi fortè tanta si-
mul essent indicia, ut prudenti nullus
amplius dubitandi locus relinquere-
tur. Vide Sanchez.

Honestas publica etiam dirimit
Matrimonium: est autem propin-
quitas proueniens ex sponsalibus
validis, & cum certâ personâ: ne-
que refert, quòd sponsalia fuerint
dissoluta, nisi fortè, si mutuo con-
fensu: nunc tamen tantùm dirimit
vsque ad primum gradum, & quidem
solius consanguinitatis: impedit au-
tem etiam post mortem alterius ex
sponsis. Præterea idem impedimentum
oritur ex matrimonio rato, licet irri-
to, modò ex aliâ causâ, quâm ex de-
fectu consensûs, & quidem hoc vsque
ad quartum gradum inclusuè; id enim
declarauit Pius V. apud Sanchez.

NVM: VII.

*De impedimento Impotentiæ, Raptûs,
& reliquis.*

Impo-

Impotentia consummandi antecedens, si sit perpetua, id est, quæ non possit remoueri arte humanâ, aut sine probabili periculo animæ, vel vitæ corporalis, impedit valorem Matrimonii cum eâ personâ tantum, respetto cuius est Impotentia. Nota tamen, ex solâ senectute non rectè colligi perpetuam impotentiam, cum etiam senes possint nonnunquam perficere actum coniugalem, præsertim si arte medicâ iuuentur: sic morbus diutinus, etsi interim reddat impotentem ad copulam, non censetur impedimentum dirimens, si aliunde æger videatur potens. Sterilitas de se non invalidat matrimonium; modò adsit potentia copulæ. Huc pertinet Impubertas, quæ etiam Matrimonium dirimit, ea autem censetur in Masculo, usque ad annum 14. completum, in fœminâ verò usque ad duodecimum similiter completum. Excipitur autem casus, quo malitia supplet ætatem, id

M 3 . est,

270 *Institutionum Pastoralium*
est, quando ante illos annos non ab-
esset sufficiens discretio, ad contrahen-
dum matrimonium, & extraordinarie
ad esset potentia generandi.

Raptus est subductio violenta fa-
minæ contra ipsius, aut parentum, au-
corum, sub quorum potestate est, vo-
luntatem, ex loco uno in alium distin-
ctum, siue ad fornicandum, siue ad
eam ducendam in vxorem; ita com-
muniter Doctores, Concil. Trid. sell.
24. c. 6. de Ref. præter grauissimas
poenas, statuit, ut Matrimonium in-
ter Raptorem & Raptam inualidum
sit, quamdiu rapta remanet in po-
testate Raptoris: intelligunt boni Au-
thores hoc decretum, ferri tantum in
eos, qui rapuerunt causâ Matrimonii,
& quidem ipsam in abductionem
repugnante. Error personæ reddit
quoque Matrimonium inualidum, non
autem error solius qualitatis, nisi re-
dundaret in personæ errorem, aut nisi
esset error conditionis seruillis. Qua-

ff

re errant, qui putant Matrimonium esse nullum, si errore inducti duxerint personam corruptam, aut inopem, quam existimabant esse virginem, aut diuitem; quia hic error solius est qualitatis. Aliud est, si expressa fuerit conditio, duco te, si non es corrupta, aut non duco, si es inops: nam non subsistente conditione, non stat contractus: Ecclesia tamen non credet, nisi probetur, conditionem ita appositam.

Porrò sunt duo crimina, quae Matrimonium inualidant: primum, occisio coniugis unius, animo contrahendi cum ipsis coniuge, utroque mortem machinante; aut si tantum alteruter machinatus est, quando etiam intervenit Adulterium. Alterum est, scienter adulterari, cum alterius coniuge, & cum eâ contrahere Matrimonium de facto, vel dare fidem, eamque acceptari de contrahendo post mortem proprii coniugis. De Cognatione legali, quæ ex adoptione prouenit,

M 4 consu-

272 *Institutionum Pastoralium*
consule Legistas. Præter dicta Ordo
sacer validè, & liberè susceptus; item
votum solemne, in religione approba-
tâ simili modo emissum, matrimonii
subsequens dirimunt. De clandestino
matrimonio absq; præsentia Parochi,
& duorum, vel trium testium inito,
quâ ratione Matrimonium dirimat,
dicam paulò pòst.

N V M: VIII.

*De ipsa Celebratione Sacramenti Ma-
trimonii.*

CVm Matrimonium inter Chri-
stianos sit verum nouæ legis Sa-
cramentum, institutum pro iis, qui
existunt in gratiâ; monebis futuros
Coniuges, vt ad illud dignè susci-
piendum se comparent sacrâ confes-
sione, & communione, bonisque ope-
ribus aliis, caueántque, ne tunc, quan-
do contrahent, sint in malo statu; quia
gratiam Sacramenti non reciperent,
imò nouo sacrilegii scelere se obstrin-
gerent,